

LA USC DI LADINS – VENERDI' 18 GENNAIO 2013

Palesà voscia identità ladina “zenza paroles”!

L'é amò temp demò enscin ai 31 de jené per tor pèrt al concors metù a jir dai Volontadives del lengaz del Comun general de Fascia

Concors - I Volontadives del lengaz del Comun general de Fascia porta dant l concors “Mia identità zenza paroles”, con l'obietif de spenjer duc i sentadins de Fascia a dir fora sia idea de identità travers na foto o n curt filmat.

Al concors pel tor pèrt duta la jent de Fascia, dai bec ai gregn, che à gust de fèr cognoscer sia idea de identità, te chesta ocajion zenza durèr la paroles ma travers n tòch de sia val, momenc de vita, situasions personèles e de la sozietà, ambient e natura, aspec del lurier, del turism, de l'economia o ence vèlch de astrat.

Identità donca no entenuda

demò desche lengaz, tradizion o cultura, ma ence desche vida de viver de la jent da mont, desche l lurier, la familia, i gropes, desche la religion, la sozietà, l sport e amò n muie de auter.

N pòpol de mendranza defat à daite de se vèlch da desvalif respet a l'otra persones, vèlch da rich e originèl, na vida de pissèr, de viver e de esser che paa la speisa de esser spartì coi etres.

I Volontadives del lengaz

envia duc chi che é enteressé a prejentèr curc filmac, ence realisé



I Volontadives del lengaz.

dai joegn con si fonins, opura retrac de momenc che moscia o i

é l símbol de l'identità ladina vedui ti etres o daite de sé. Na vida moderna e gustégola de palesèr sie pensier apontin zenza paroles.

Se recorda che i lurieres, retrac o filmac de no più che 2-3 menuc, originèi e personèi, cogn vegnir mané ite travers la posta eletronica o la posta ordenèra opura amò porté a man a l'Ofize per i Servijes linguistics e culturai del Comun general dant che vae fora les 12.00 di 31 de jené

del 2013.

Sarà l grop di Volontadives del lengaz che valutarà i lurieres rué, che vegnarà spartii te più categories aldò de l'età di partezipanc e de la sort de lurieres consegné e i vegnarà premié te l'aisciuda del 2013.

Per aer l bando o maor informazions se pel se oujer a l'Ofize per i Servijes linguistics e culturai del Comun general o vardèr sul sit

www.comungeneraldefascia.tn.it. Per aer de autres schiarimenc se pel manèr na mail a cultura@comungeneraldefascia.tn.it opura chiamèr l numer 0462.762158.